




PLEIV SOGN GIONS  
7180 DIJENTIS/MUSTÉR



# Pleiv s. Gions Mustér Rapport da gestiun 2025

**Impressum**

Editura: Pleiv s. Gions Mustér

Ediziun: 1'100 exemplars

Stampa: La Tuatschina, Sedrun

© 2026 Pleiv s. Gions Mustér

Cuviarta: Statua da s. Gion Battesta che vegn duvrada per la processiu (R. Flury)

Remarca: Sche buc auter menziunau, vala la fuorma masculina da persunas era per la feminina.

---

# Invitaziun alla radunonza generala dalla Pleiv s. Gions/Mustér

**Venderdis, ils 24 d'avrel 2026 allas 20.15 uras  
en halla communal Cons/Mustér**

Tractandas:

1. Beinvegni ed elecziun da dus dumbravuschs
2. Protocol dalla radunonza generala dils 2 da matg 2025
3. Rapport dil president
4. Rapport da quen dalla pervenda s. Gions Mustér
5. Rapport dils revisurs da quen e scarica alla suprastonza
6. Elecziuns:
  - a) president/presidenta
  - b) dus commembers da suprastonza
  - c) in commember dalla cumissiun da gestiun
7. Sanaziuns dad immobilias: Informaziuns
8. Preventiv 2026
9. Fixaziun dil pei da taglia
10. Undraziuns
11. Orientaziuns
12. Varia

Silsuenter vegn surviu in puschegn.

Nus envidein Vus cordialmein a nossa radunonza generala.

*Per la suprastonza dalla Pleiv s. Gions/Mustér:*

*il president:  
Aldo Tuor*

*il vicepresident:  
Ervin Maissen*

## Protocol

dalla radunonza generala dalla Pleiv s. Gions Mustér  
venderdis, ils 2 da matg 2025 allas 20.15 uras en halla Cons

### Gliesta da tractandas:

1. *Beinvegni ed elecziun da dus dumbravuschs*
2. *Approbazium dil protocol dalla radunonza generala dils 19 d'avrel 2024*
3. *Rapport dil president dalla pleiv*
4. *Rapport da quen dalla pervenda s. Gions Mustér*
5. *Rapport dils revisurs da quen e scarica alla suprastonza*
6. *Elecziuns:*
  - a. *president/presidenta*
  - b. *commembers da suprastonza*
  - c. *revisur da quen*
7. *Revisiun parziala dalla constituziun: Art. 4, dretg da votar cun 16 onns*
8. *Collaboraziun denter las Pleivs Sursassiala, informaziun e decisiun*
9. *Nova tractanda: Credit per la revisiun dall'orgla a s. Gions*
10. *Nova tractanda: messa da Nadal*
11. *Preventiv 2025*
12. *Fixaziun dil pei da taglia*
13. *Undraziuns*
14. *Orientaziuns*
15. *Varia*

### 1. Beinvegni ed elecziun da dus dumbravuschs

Il president Aldo Tuor beneventa ils presents cordialmein e giavischa a tuts in bien decuors dalla radunonza. L'invitaziun alla hodierna radunonza ei succedida ad uras e tenor la constituziun dalla Pleiv s. Gions cun publicaziun el feagl ufficial dalla vischnaunca ed el rapport da gestiun ch'ei vegnius tarmess a mintga casada. Aschia ei la radunonza habla da decider. Diversas personas han schau perstgisar per questa sera.

Sco dumbravuschs vegnan proponi ed elegi: Flavio Murer ed Aluis Gabernard.

All'entschatta dalla radunonza propona il president da completar la gliesta da tractandas cun la tractanda 9: Credit per la revisiun da l'orgla a Sogn Gions.

In parochian giavischa aunc in'ulteriura tractanda: Messa da Nadal.

La radunonza generala approbescha quellas duas amplificaziuns.

## 2. Approbaziun dil protocol dils 19 d'avrel 2024

Il protocol dalla davosa radunonza generala vegn approbaus unanimamein cun admetter in grond engraziament all'actuara Jris Lombris.

## 3. Rapport dil president dalla pleiv

«Gl'onn vargau ei staus influenzaus da grondas midadas geopoliticas, da vegls e novs conflicts denter pievels ni naziuns, sco era da gronds moviments da migraziun. Midadas globalas da pussonza, malsegirtads economicas e tensiuns regiunalas caschunan gronda malsegirtad. La migraziun resta vinavon in tema central, aschi bein en consequenza dad uiaras, persecuziun politica ni religiosa, sco era per motivs da miseria finanziaria e dalla midada dil clima. Il moviment da milliuns da carstgauns suls cunfins ora, munta ina gronda sfida per biaras naziuns sigl entir mund. Las consequenzas humanas dallas uiaras ein sgarscheivlas. Dunnas ed affons ein pertuccai specialmein, damai ch'els ein il pli savens las victimas principalas da violenza e paupradad. Deplorablamein stuein nus constatar che la carstgaunadad ei aunc lunsch naven d'ina coesistenza pascheivla. Aschiditg ch'ils interess geopolitics predomineschan il beinstar dalla populaziun civila, vegn ei ad esser grev d'anflar la pasch. Ei dat denton segns che laian sperar e che dattan curascha. Lein buca piarder quella speranza.», aschia arva il president Aldo Tuor la radunonza. En in cuort memento seregordan ils presents dils 23 defuncts digl onn vargau. Alla fin da siu rapport engrazia il president a tuttas e tuts ch'ei segidai sin ina moda ni l'autra per ina viva veta en nosa pleiv ed el engrazia a tuts per lur sustegn en

tuts graus. Quei engaschi vegn pli e pli impurtonts per nosa pleiv e demuossa che nus lein esser ina cuminonza cristiana.

Per l'emprema gada rapporta il responsabel pils beins mobiliars e l'infrastructura dalla pleiv, Gion Tenner:

La ligiadura el chor dalla baselgia s. Gions entuorn e davos igl altar grond ei puspei vegnida migliurada. La vischnaunca ha schubergiau atras da rudien la canalisaziun sin santeri. Il proxim temps vegn a mussar tgei effects quellas stentas han per nosa baselgia.

Igl altar d'Ivo Strigel vegn restauraus da rudien. Igl ei semussau ch'igl altar ei en in mender stan che quintau ed ei taccaus d'in in buliu che fa grond donn.

La scala ed il tschabergal dall'entrada encunter sid ein era vegni construi da niev. Era la baselgia s. Roc e s. Bistgaun a Segnas ei taccada d'in ferm buliu. La finanzaziun per ina restauraziun dalla casa pervenda a Segnas manca aunc per gronda part.

Gion engrazia specialmein a Pierino e Valentin Bischolm per segar entuorn las casas pervendas. Ils novs pedels da Sut Gliendas sorprendan el futur il segar avon casa pervenda Mustér.

## 4. Rapport da quen dalla pervenda Sogn Gions Mustér

Per l'emprema gada presenta la pleiv il quen tenor il niev sistem, approbaus a caschun dalla davosa radunonza generala. Il quen dalla pervenda siara cun entradas da frs. 436'727.74 ed expensas da frs. 435'620.75 cun in surpli entradas da frs. 1'106.99. Per renovaziuns futuras dalla baselgia s. Gions ei vegniu fatg ina reserva da frs. 17'500.-. Aschia munta il capital

agen dalla pleiv a frs. 669'730.94.

Il responsabel per las finanzas Romeo Schmed declara en detagl entginas posiziuns dil quen.

La pleiv ha saviu cumprar la part clavau sper casa pervenda a Segnas, aschia ch'igl entir baghetg inclusiv il clavau s'audan ussa alla pleiv.

Il secretariat dalla pleiv Tujetsch vegn menaus da nossa secretaria. Persuenter paga la pleiv Tujetsch ina pauschala da frs. 6'000.- alla pleiv s. Gions.

Aldo fa attent sin la survesta dils differents fondos da baselgias e capluttas. Dapertut sepresentan legreivlas situaziuns finanzialas. Dalla discussiun vegn buca fatg diever.

## **5. Rapport dils revisurs da quen e scarica alla suprastanza**

Il revisurs da quen Pirmin Monn e Claudius Berther han controllau ils differents quens dalla pleiv sco era tut ils fondos da baselgias e capluttas. Els attestan che tuttas contabilidades seigien menadas bein ed en uorden.

Sin proposta dils revisurs decida la radunonza generala unanimamein:

1. d'approbar ils quens administrativs e las bilanzas dalla pervenda sco era ils quens dils fondos da baselgias e capluttas digl onn 2024,
2. da dar scarica alla suprastanza ed als funzionaris,
3. d'exprimer in meritau engraziament alla suprastanza, als augsegners ed a tuttas ugadessas/tuts ugaus per lur nunstunclenteivel engaschi.

Unanimamein suonda la radunonza la proposta dils revisurs da quen.

## **6. Elecziuns**

### *a) President / presidenta*

Il president finescha cun oz sia tiarza perioda d'uffeci. Uonn astga Aldo Tuor festivar siu 76avel natalezi ed ha perquei demissiunau sco president e la suprastanza ha tschercau ina successiun. Cun grond plascher sa Aldo informar ch'ins ha anflau ina persuna ch'ei sedeclarada pronta da sorprender quei uffeci, quei denton pér en in onn.

Il vicepresident Gion Tenner sa informar che Aldo Tuor ei sedeclaraus prompts da star aunc in onn a disposiziun sco president ed Aldo vegn reelegius unanimamein e cun in ferm applaus.

### *b) Commembers da suprastanza*

En reelecziun per ina nova perioda d'uffeci stat il commember da suprastanza Romeo Schmed. El ei il cau da finanzas dalla pleiv. Dapi la nova costituziun meina el ils quens dalla pleiv e dallas baselgias. Quei fa el oreifer ed a moda perfetga. El ademplescha ina funcziun impurtonta, ein gie las finanzas adina fetg impurtontas. Nus essan zun engrazieivels ch'el stat vinavon a disposiziun per quella impurtonta incarica.

Elecziun: Romeo vegn elegius unanimamein e cun in ferm applaus pils proxims treis onns.

Sco gia menziunau eis ei gartegiau d'anflar ina persuna ch'ei pronta da schar eleger en suprastanza ed ei lu era pronta da sorprender il presidi en in onn.

Cun grond plascher astga il president proponer sco niev commember dalla suprastanza dalla pleiv Ervin Maissen. El ei a tuttas e tuts enconuschents. Ervin Maissen ei prompts da vegnir en suprastanza dalla pleiv per seluvrar en e per sorprender en in

onn il presidi. Ervin Maissen vegn elegius unanimamein en suprastonza da pleiv.

#### c) *Revisur da quen*

Pirmin Monn ei uonn en elecziun sco commember dalla cumissiun da gestiun. Onn per onn controllescha el las diversas contabilitads dalla pleiv e dallas baselgias e capluttas. Nus essan zun engrazieivels per quei impurtont survetsch ch'el fa actualmein ensemen cun Claudius Berther.

Elecziun: Pirmin Monn vegn elegius unanimamein per in'ulteriura perioda d'uffeci.

### 7. Revisiun parziala dalla constituziun:

#### Art. 4, Dretg da votar

Art. 4 dalla constituziun secloma sco suonda:

*1) Il dretg da votar cumpeta a tuts commembers che habiteschan enteifer il territori dalla pleiv, senza differenza da nazionalitad e che han cumplenu 18 onns.*

*2) Il dretg da vegnir eligius cumpeta a tuts commembers sur 18 onns.*

La suprastonza propona sequenta midada:

*Alinea 1: Il dretg da votar duei vegnir reducius sin 16 onns.*

Quei corrispunda lu era alla constituziun dalla Baselgia cantunala grischuna.

La radunonza generala approbescha quella adattaziun dalla constituziun unanimamein.

### 8. Collaboraziun denter las pleivs Sursassiala: Informaziun e decisiun

El temps actual nua che societad e baselgia semidan cuntinuadamein vegn la necessitad d'ina assistenza pastorala pli e pli urgenta. Il plevon classic ch'era responsabels pils

survetschs divins sco era per la pastoraziun e l'instrucziun religiusa en scola ei strusch pli d'anflar. Mo il survetsch divin tonscha pil pli buca per ademplir ils basegns dils commembers da nosa baselgia, ei duvrass aunc autras activitads. In'assistenza pastorala contribuescha e gida a rinforzar e sustener la pastoraziun. Ella sa surprender incaricas pastoralas impurtontas pigl accumpignament da nos commembers. In agid pastoral sa sper la lavur pastorala era promover purschidas da perfecziunament, d'accumpignament en situaziuns da crisa, organizaziun da workshops, luvratoris, integraziun da giuvenils, insumma crear purschidas per differentas situaziuns ella veta.

Quellas incaricas sa in plevon persul strusch pli surprender, tonpli che nus vein en nossas treis pleivs da Sursassiala mo pli in plevon a disposiziun, ina situaziun che vegn els proxims onns buc a semidar. Per cletg vein nus oz aunc agid entras sur Alexi, sur Giusep ed ils paders dalla claustra. Nus astgein denton buca sebasar memia fetg sin quei agid. Sur Alexi ha vargau ils 80 e sur Giusep 75 onns.

Dapi gleiti treis onns succedan discussiuns pertuccont ina collaboraziun enteifer las treis pleivs Mustér, Medel e Tujetsch.

Ed oz astgein nus informar ch'igl ei reussiu da far in contract cun la pleiv da Tujetsch concernent la collaboraziun sil sector da pastoraziun. La cunvegnientscha denter nossas duas pleivs regla igl engaschament dil plevon, igl engaschament d'ina assistenza pastorala e la repartiziun dils cuosts. Quella repartiziun dils cuosts ha per consequenza che las expensas per nosa pleiv s'augmentan buca, vegnan anzi in tec pli bassas. Nus essan perschua di ch'era la

pleiv da Medel vegn enteifer las proximas jamnas a separticipar a quella collaboraziun.

Vinavon eis ei gartegiau dad anflar ed engaschar ina persuna qualificada, romontscha e fetg motivada sco collaboratura pastorala. Dalla persuna engaschada setracta ei da dunna Rilana Cadruvi Scherrer da Trun. Ella sesanfla actualmeins aunc el studi da teologia, ha denton gia ussa dabia experientschas sil sector dalla scolaziun religiosa e dalla pastoraziun. Igl ei per nus in cletg extraordinari d'haver anflau ina persuna ord nossa regiun, ch'enconuscha nossa cultura e nos usits e che ha buca mo las qualificaziuns necessarias, mobein era la motivaziun necessaria da s'engaschar ella pastoraziun. Ella surpren cun igl emprend d'uost 2025 quella incarica cun in pensum da 30 %. Quei pensum duei els proxims onns vegnir augmentaus successivameins tochen 60 – 80 %.

Per la suprastonza eis ei impurtont ch'ils parochians san star davos il project presentau e sustener quel.

Ils presents san s'accordar culla proposta dalla suprastonza e muossan cheutras sustegn moral pils proxims onns.

### **9. Nova tractanda: Credit per la sanaziun dall'orgla Sogn Gions**

Gion Tenner sa informar che l'orgla s. Gions seigi in scazi denter las orglas.

Dapi plirs onns dat ei problems cull'intonaziun e nus stuein schar sanar l'orgla. Las lavurs vegnessen fatgas pér in auter onn, pia igl onn 2026. Per surdar l'incarica sto la suprastonza denton ver uonn il consentiment leutier.

Offertas denter frs. 43'000.- e frs. 54'000.-

ein avon maun. Probabel vegnan ils cuosts buca a survargar ils frs. 50'000.- che stattan en cumpetenza dalla suprastonza.

Denton per segirtad e per tener en las cumpetenzas finanzialas damonda la suprastonza in credit da frs. 55'000.- per la renovaziun resp. la sanaziun e per eventualas expensas nunprevistas dall'orgla a Sogn Gions.

Ils presents approbeschan il credit da frs. 55'000.- unanimameins.

### **10. Nova tractanda: Messa da Nadal**

Benjamin Schuoler di ch'el plaidi era en num d'enqual auter parochian. Che la messa da Nadalnotg 2024 seigi vegnida strihada seigi in trest scandal. Forsa vegness era il Chor baselgia Segnas inaga a cantar da Nadalnotg a s. Gions. Pli baul vegneva ei cantau da tuttas 4 fiastas grondas. El fa la proposta, che silmeins las 4 fiastas grondas stoppien vegnir tenidas giu en baselgia s. Gions e buca els uclauns.

Il president fa menziun ch'ins sappi buca garantir quei. Mo cun in plevon e la collaboraziun en Sursassiala seigi quei strusch pusseivel. Ins vegn segirameins a sespruar da far il maximum pusseivel. Nus stuein esser pertscharts da stuer plitost reducir las purschidas egl avegnir.

Quei vegn era susteniu ord il miez dalla radunonza. Culla varianta collaboraziun da tuttas treis pleivs vegn ei ad esser grev da survir a tuts, gest en vesta al pign diember da plevons.

Era Segnas stoppi desister da messas dalla sonda sera. Ei basti duas per meins. Fiastas grondas duessen esser sche pusseivel a s. Gions. Era las duas ulteriuras pleivs ston forsia desister da messas dalla dumengia. Las perdanonzas ellas capluttas duein

haver liug dapertut allas 11.00 uras.

Davart la suprastonza vegn informau, ch'ins elaborescha mintga miez onn in plan da messas e leu ston ins s'adattar allas resursas tenor il personal avon maun.

### 11. Preventiv 2025

Il preventiv 2025 dalla Pleiv s. Gions preveda tier expensas da frs. 418'300.- ed entradas da frs. 419'480.- in surpli d'entradas da frs. 1'180.-.

Tiel preventiv dat ei neginas damondas e quel vegn approbaus unanimamein.

### 12. Fixaziun dil pei da taglia

Sin fundament dil preventiv ed en vesta a proximas investiziuns propona la suprastonza da mantener il pei da taglia per 2026 sco tochen dacheu sin 12 % dalla taglia cantunala semplia.

La radunonza generala approbescha unanimamein da mantener il pei da taglia per 2026 sin 12 %.

### 13. Undraziuns

Il president astga undrar suandontas persunas per lur engaschi en nosa pleiv:  
Giusep Caduff-Kneidinger: Staus duront biars onns commember dil cussegl pastoral,

Seraina Bigliel: Ha fatg part dil team Salid dil Segner,

Regina Giger-Caminada: Ha instruiu in onn ils affons sco catecheta,

Corina Defuns-Casaulta: Per siu giubileum da 25 onns "Salid dil Segner".

### 14. Orientaziuns

La suprastonza ha neginas ulteriuras orientaziuns.

### 15. Varia

Ei vegn fatg la damonda daco che la processiuin da venderdis sogn mondi bucli da Cons giu e da via principala ora.

Risposta: il cussegl pastoral ha mo pli 4 commembers ed ins hagi negin che segireschi il traffic.

Vinavon vegn fatg la proposta da montar ina scaffa da brevs avon ni en baselgia per giavischs e reclamaziuns da nos parochians.

Ins spetga schon daditg sil niev cudisch da canzuns "Clom". Fuss ei lu buca prudent da far in per exerchezis da cant, sin tgei moda adina?

Gion Tenner engrazia pils dus inputs: Las damondas vegnan reflectadas en suprastonza e sche zaco pusseivel exequidas.

Sin santeri detti ei negins urdeins da zerclar e neginas sadias pil diever general.

Risposta: Il santeri ei caussa dalla vischnaunca. Il giavisch stuess vegnir deponius sin canzia, resp. tiel responsabel pil santeri.

Allas 21.45 siara il president Aldo Tuor la radunonza generala 2025. Tuts presents ein envidai ad in puschegn semtgaus dall'uniun da puras Mustér.

*Mustér, ils 10 da matg 2025*

*Pil protocol: Jris Lombris*



*Rilana Cadruvi Scherrer, collaboratura spirituala*

## Rapport dil president

Preziadas parochianas,  
preziai parochians

Suenter treis periodas d'uffeci hai jeu astgau presidiar la pleiv nunspitgadamein aunc per in dieschavel onn. Bugen informeschel jeu davart il curriu e passau duront igl onn vargau. Suenter il rapport pli extendiu digl onn vargau, serestrenschel uonn ad in per puncts impurtonts.

Gl'onn vargau ei staus sut l'enzenna da midadas considerablas enteifer la baselgia catolica. Grondas midadas ella societad, pli e pli paucs commembers e la sperdita da confidonza caschunan grondas sfidas per la baselgia. Bia glied tscherca novas fuormas da spiritualitad. Malgrad che nus vein buca stuiu registrar biaras extradadas – mintga extrada ei ina da memia – sentin era nus pli e pli bia absenzas da nossa baselgia. Dapi ils 8 da matg 2025 vein nus cun papa Leo XIV in niev pontifex a Ruma. Sco ins ha astgau sentir continuescha el cun la via sinodala, alla quala papa Francesc ha giu dau zun impurtonts impuls per in dialog, per tedlar e per la responsabladad comunabla. Speronza dattan las numerusas parochianas ed ils numerus parochians che s'engaschan plein creatividad e perseveronza. A tut quels engraziein nus per lur engaschi e spèrt da cuminonza.

### La pastoraziun

Nies plevon sur Mathew, ils plevons gidonters sur Alexi e sur Giusep e tenor basegns era paders dalla claustra, surveschan ellas treis pleivs da Sursassiala ed adempleschan in grond pensum pertuccont survetschs divins. Naven digl emprem d'uost vein nus aunc astgau

retscheiver in agid supplementar entras ina collaboratura pastoral, quei en temps parzial. Leutier vegnan aunc gidontras e gidonters dil Cussegl pastoral cun tut sias differentas gruppas da lavur. Tuts ensemen sesprovan da survir aschibein sco pusseivel als basegns da nossas parochianas e nos parochians.

### Beinvegni alla collaboratura spirituala Rilana Cadruvi Scherrer

A caschun dil survetsch divin ordinari dalla dumengia dils treis d'uost vein nus astgau beneventar dunna Rilana Cadruvi Scherrer sco nova collaboratura spirituala. Cun grond plascher fagein nus ad ella in cordial e ferm beinvegni en nossa pleiv. Tschun meins eis ella ussa tier nus ed jeu hai vuliu saver co ella sesenta en quella nova incarica tier nus.

*Rilana Cadruvi: Entschatt'uost 2025 ha mia via entschiet sco collaboratura pastoral, ella pleiv da Mustér/ Tujetsch/ Medel, «Sursassiala». Sche jeu mirel ussa anavos sin quei tschancun via che jeu hai astgau ir tochen ussa, astgel jeu trer ina bilantscha fetg positiva.*

*Jeu hai entschiet mia lavur savend che jeu hagi in sacados gnanc miez plein cun savida davart quella incumbensa che haiel surpriu. Jeu sun vegnida retschevida cun bratscha aviarta e cun grond plascher dall'entira cuminonza. Tuts han levgiu a mi l'entschatta en la nova regiun pastoral. Sur Mathew, sur Giusep e sur Alexi, l'Jris, l'Alexa, la Riccarda, la Barla, la Agnes ed il Tarcisi. Jeu selegrel sil temps cura che jeu saiel terminar miu studi e sededicar cumpleinamein a quella bellezza incumbensa. Jeu haiel anflau ella pleiv*

«Sursassiala» in niev dacasa, ina nova cuminonza.

*Esser ensemen cun vos tuts sin quei peleginadi fa curascha e lai mirar cun in'egliada optimista el futur. Engraziel per vossa confidanza e Dieus pertgiri nus tuts. Rilana.*

Nus giavischein a Rilana cumplein success, in bien maun e tutta curascha per quella nova ed impurtonta incarica.

### **Suprastonza dalla pleiv /secretariat**

A caschun dalla davosa radunonza communal ei Ervin Maissen vegnius eligius en suprastonza. El decuors digl onn vargau ei Ervin s'integraus cumpleinamein el gremi da suprastonza ed ha surpriu impurtontas funcziuns. Jeu selegrel ch'el ei sedeclaus promts da candidar pil presidi.

Per la fin da questa perioda ha la commembra da suprastonza, Alexa Schuoler demissiunau. Da 1996 entochen 2000 eis ella stada presidenta dalla caplania Cavardiras e naven da 2018 entochen 2026 ugedessa dalla baselgia da Cavardiras ed en quella funcziun era aunc commembra da suprastonza dalla pleiv. Per tut siu grond engaschi e per sia gronda lavur en favur dalla pleiv admittel jeu ad ella in sincer e cauld engraziament.

Cuort avon la fin digl onn ha nossa secretaria Jris Lombris informau la suprastonza ch'ella demissiuneschi per la fin fenadur 2026 e mondi lu en pensiu. Ella stat lu aunc a disposiziun per introducir la nova secretaria. Gia ussa less jeu denton engraziar ad ella per siu grond engaschi e per tut quei ch'ella ha prestau a favur dalla pleiv duront ils davos 33 onns.

### **Statistica:**

El decuors digl onn vargau vein nus registrau 15 (14) battens. 13 (14) affons han astgau retscheiver l'emprema sontga communiun e 28 (15) giuvenils il sacrament dalla sontga creisma. En nossa pleiv han giu liug 2 (4) nozzas.

Cun la fin digl onn 2025 vein nus astgau dumbrar 1651 (1626) parochianas e parochians en nossa pleiv. Extradada dalla baselgia vein nus perencunter stuiu registrar 11 persunas.

### **Collaboraziun denter las pleivs**

Els davos treis rapports vein nus mintgamai informau davart la necessitad d'ina collaboraziun dallas pleivs da Sursassiala. Muort la munconza da pleivons dat ei egl avegnir buca autras pussevliadads. Ussa eis ei gartegiau, e cun igl emprum d'uost ei la cunvegnientscha davart la collaboraziun denter las treis pleivs Mustér, Tujetsch e Medel/Lucmagn ida en vigur. Tuttas treis pleivs han approbau la cunvegnientscha che regla la pastoraziun communabla da nossas treis pleivs. La cunvegnientscha regla igl engaschi da nies plevon, dalla collaboratura pastorala, dils plevons gidonters e dallas gruppas liturgicas ellas treis pleivs. La cunvegnientscha fixescha era las repartiziuns dils cuosts pils survetschs da pastoraziun. Nies plevon sur Mathew, la collaboratura spirituala Rilana Cadruvi, nos plevons gidonters sur Alexi e sur Giusep sco era ils paders dalla claustra, dattan tutta breigia da survir a moda cuntenteivla las parochianas ed ils parochians en nossa regiun pastorala. Tuts giavischs san denton buca vegnir adempli e nus supplichein in e scadin per capientscha e toleranza.

Damai che la secretaria dallas pleivs Mustér e Tujetsch va el decuors digl onn vegnent

en pensiun, eis ei vegniu decidu dad era organisar comunablamain il secretariat dallas treis pleivs. La sedia dil secretariat sesanfla vinavon en casa pervenda a Sogn Gions.

### **Nos morts**

La pleiv pren adina profundamein art e part dalla dolor dallas famiglias en malencurada. Quei ei in bien segn da cuminonza e da cardientscha. Quella participaziun als survetschs divins funerals porta levgera e dat sustegn allas personas en cordoli. Nus essan persquadi che Niessegner ei misericordeivels cun nos defuncts. Els ruaussien en pasch.

#### *Laurenzia Gadola*

(17-07-1941 - 21-05-2025)

Laurenzia Gadola ei stada in tshuppel onns commembra dil Cussegl pastoral ed ei s'engaschada en pliras funcziuns. Denter auter eis ella stada duront biars onns ella gruppa rusari da morts. Plinavon ha Laurenzia era organisau differentas devoziuns. Nus engraziein ad ella per tut prestau ed essan persquadi che Niessegner vegn a dar ad ella la pagaglia meritada. Ella ruaussi en pasch.

#### *Laurenzia Schnoz – Schuoler*

(10-08-1944 – 10-06-2025)

Laurenzia Schnoz ei stada pli che 20 onns commembra dil Cussegl pastoral. En quei impurtont gremi eis ella s'engaschada empau dapertut. Oravontut ha ella menau il Cussegl social-caritativ. Ella ei era stada ella gruppa per retscheiver la bara. Per quei grond engaschi en favur da nossa pleiv ed en favur da parochianas e parochians, engraziein nus ad ella grondamein. Detti Deus ad ella la bein meritada pagaglia ed il ruaus perpeten.

#### *Alexi Mathiuet – Giger*

(02-07-1936 – 02-07-2025)

Alexi Mathiuet ei s'occupaus en differentas funcziuns per la baselgia da Cavardiras. El ei staus ella cumissiun da baghegiar suenten il barschament dalla baselgia igl onn 1982. Pli baul ed era suenten ha el gidau sia mumma Rosa da far calustra. Suenten la mort dalla mumma eis el segidaus entochen ch'ins ha giu anflau ina nova calustra. Ils davos onns eis el segidaus cun la calustra Alexa. Igl Alexi apprezzava zun fetg s. Antoni. Entras intercessiun da s. Antoni vegn Niessegner a remunerar Alexi per ils buns survetschs prestai en favur da s. Antoni a Cavardiras.

#### *Christian Duff – Mathiuet*

(08-04-1933 – 13-12-2025)

La caplutta da s. Antieni a Pardomat ei stada grondamein a cor per Christian Duff. Varga 30 onns ha el ensemen cun sia consorta Rita tgirau la caplutta e procurau leu per uorden e sco ins sa, adina puspei fatg reparaturas e lavurs da manteniment. Ina gronda prestaziun che mereta nies grond respect. Nus engraziein ad el per tut prestau ed essan persquadi che Deus vegn a dar ad el la pagaglia meritada ed il ruaus perpeten.

### **Instrucziun religiosa**

Sco mintg'onn less jeu danovamein menziunar l'impurtonza dall'instrucziun religiosa da nos affons. Egl onn da scola 2025/26 ein els vegni instrui da suandontas personas:

Ursina Murer	1. – 2. classa primara
Corina Defuns	3. – 6. classa primara
Stefan Bolli	1.+2. classa sup.
Sur Mathew Kurian	3. classa superiura



*Ministrantas e ministrants a S. Gagl*



El rapport annual digl onn vargau hai jeu giu menziunau che la collaboraziun cun la pleiv evangelica seigi secumprova-da ed exprimiu miu gjavisch che quella collaboraziun cuntinueschi era ils proxims onns. Deplorablamein ei quei buca stau il cass. Cuort avon las vacanzas da stad vein nus udiu ch'il plevon reformau Christoph Zingg banduni Mustér, mondi en direcziun Engiadina, e quei gia cun la fin digl onn. Senza plevon ha la pleiv evangelica buca pli saviu garantir las lecziuns en scola e supplicau nus dad organisar ina successiun. Igl ei pia stau necessari da tscherchar ina nova persuna d'instrucziun gia naven dall'entschatta digl onn da scola 2025/26, pertgei pér l'enschatta schaner fuss ei buca stau pusseivel d'anflar inA successurA. Jeu deplureschel era zun fetg che la Pleiv evangelica ha insumma abdicau la cunvegrientscha da collaboraziun pertuccont la scolaziun religiosa en scola.

Legreivlamein vein nus saviu engaschar il catechet Stefan Bolli, che instruescha era ils affons dalla Val Tujetsch, el rom ductrina. El ei sedeclaraus prompts da surpender las treis lecziuns dallas empremas duas classas dil scalem superiur.

Nossa catecheta Corina Defuns instruescha la tiarza entochen la sisavla classa. Ella prepara mintgamai ils affons dalla tiarza classa per l'emprema sontga communiun ed ils affons dalla tschunavla classa per la gronda fiasta dalla sontga creisma.

El decuors dalla primavera 2025 ha dunna Ursina Murer terminau cun grond success la scolaziun da catecheta. Cordiala gratulaziun e grond engraziament per la promptadad da s'engaschar per la scolaziun religiosa da nos affons.

L'organisaziun dalla scolaziun religiosa en scola ei e vegn era egl avegnir a restar ina impurtonta, denton buca sempla incarica dalla suprastanza. Actualmein savein nus sebasar sin fidadas e qualificadas personas d'instrucziun. Sch'ins enconuscha la situaziun en autras pleivs secapescha quei buca da sesez. Perquei fuss ei fetg impurtont d'anflar ulteriuras personas, dunnas ni umens, che fussen promptas da far la scolaziun necessaria e silsunter s'engaschar en nossa scola. Catechetas e catechets engaschai tier nus meretan nies grond respect e nies grond engraziament.

### **Fiastas ecclesiasticas**

El rapport digl onn vargau hai jeu menziunau las fiastas ecclesiasticas e las differentas devoziuns e sentupadas che han liug mintg'onn en nossa pleiv. Era uonn vein nus puspei astgau festivar e s'entupar a cashuna da pliras fiastas enteifer nossa pleiv. Lein sperar ch'ei gartegi a nus da mantener vinavon quellas sentupadas, pertgei talas ein fetg impurtontas per l'existenza d'ina cuminonza cristiana.

### **Cussegl pastoral**

En miu rapport digl onn vargau sut il tetel fiastas ecclesiasticas, hai jeu menziunau specialmein la gronda impurtonta ed endinada lavur ch'il Cussegl pastoral, cun tut sias differentas gruppaziuns prestadas per parochianas e parochians en plirs secturs. Els s'engaschan ed organiseschan:

- Nossadunna da candeilas
- unfrenda da cureisma
- priedis da cureisma
- via dalla crusch
- aperos
- Rogaziun federala



*Nos premcommunicants (sura e nos confirmands (sut) 2025 [P. Duff]*



- devoziun ed uncziun per senioras e seniors
- purtar la sontga communiun a casa
- messa da s. Hubert
- Salid da Nossadunna
- adoraziuns tgeuas
- survetsch divin da Sontgaclau
- la gruppa da lecturas a s. Gions e Segnas
- la gruppa per retscheiver la bara
- la gruppa rusari da morts
- la gruppa ordinaturs da sepultura
- la gruppa Salid dil Segner

Leutier vegnan differentas lavurs sco p. ex.: decorar ed embellir la baselgia culs pigneuls da Nadal, organisar las palmas per la dumengia da palmas, tgirar il deposit da material ed igl archiv. Engraziel fetg per tut quella lavur e quei engaschi.

### Di da suppa

Tenor tradiziun organischa il Cussegl pastoral in di da suppa duront il temps da cureisma. Dumengia, ils 16 da mars 2025 sunter messa, ein rodund 70 persunas seradunadas en halla Cons ad in gentar da suppa communabel. Malgrad la cureisma, astgan sunter la suppa differentas buontad pettas secapescha buca muncar. Frar Nicola dalla claustra ha sunau siu hacbret e Nicole Candinas dil post da cussegliaziun e dalla partiziun demenza dalla Casa Puntreis ha informau davart sias activitads. Il bi recav da frs. 1'800.00 ei vegnius surdaus all'Uniu Alzheimer Grischun en Surselva. In grond engraziament a tut ils sponsurs e gidonters dil di da suppa.

### Ministrantas e ministrants

Scolaras e scolars dalla tiarza classa surprendan il survetsch da ministrar quei onn ch'els retscheivan l'emprema sontga communiun. Per quei bi ed impurtont

survetsch engraziein nus da cor ad els. Igl ei legreivel che biaras e biars stattan era sunter quei onn vinavon a disposiziun per survir messa.

Ils 7 da settember 2025 ha igl uestgiu envidau ministrantAs dalla Svizra ad ina sentupada a s. Gagl. Era ministrantAs da Mustér e Segnas han astgau prender part. Igl uestgiu ha schau far per tuts in t-shirt ed ha pagau spisa e bubronda. Il viadi han las duas pleivs da Trun e Mustér organisau e pagau comunablamein.

Igl ei stau ina grondiusa purschida ed ils affons han gudiu il di en grondas hallas cun giugs e divertiment da tuttas sorts. Plinavon ei vegniu purschiu concerts da tut gener e tgi che ha vuliu ha astgau separticipar a survetschs divins.

### Emprema sontga communiun

Dumengia alva, ils 27 d'avrel 2025 han 13 affons dalla tiarza classa astgau retscheiver l'emprema sontga communiun. Duront in onn ha la catecheta Corina preparau els per lur grond di da fiasta. Cul tema: "Sco'l sulegl glischa", ein els sepresentai ad ina gronda raspada en baselgia. Duront igl onn da preparaziun han els adina puspei surviu messa en baselgia parochiala a s. Gions. Sunter il survetsch divin ha il Cussegl pastoral offeriu a tuts presents in apero avon casa pervenda sil plaz a Sut Gliendas.

### Creisma 2025

Igl ei quasi ina tradiziun da nossa pleiv, da festivar la sontga creisma mintgamai Gliendisdis-Tschuncheimas cun igl avat da nossa claustra. Mo sch'igl uestg ni il vicari general vegnan a cresmar, sto la pleiv s'adattar a lur termins. Igl ei propi in bi



*1949 han ils affons da Vitg/Mustér fatg la davosa gada processiu da s. Roc a Segnas. Il Salid dil Segner ha schau reviver 2025 quei usit e rodund 15 affons dapli ein vegni per separticipar a quella processiu particulara ed unica.*

datum ed ina biala confruntaziun che nossas giuvnas e nos giuvens vegnan cresmai gest il di suenter Tschuncheismas. Duront gl'entir onn da scola ha la catecheta Corina Defuns preparau 28 giuvnas e giuvens cul tema "Sigilai culs duns dil sogn Spért" per lur grond di. Da nies avat Vigeli sco confirmatur ein els vegni unschi e sigilai culs duns dil sogn Spért. Suenter il survetsch divin han tuts presents astgau guder in apero a Sut Gliendas.

### Engraziament

Ina dallas impurtontas incaricas d'in president ei dad engraziar, ina obligaziun ch'ins fa denton fetg bugen. Pertgei senza igl agid da biaras e biars funcziunass nossa pleiv, nossa societad, nossa cuminonza buca. Per quei grond engaschi e per tut la lavur prestada meretan tuttas gidontras e tuts gidonters nies grond respect e nies sincer engraziament.

Special engraziament exprimel jeu a nies plevon sur Mathew Kurian, a nossa collaboratura spirituala Rilana Cadruvi, sco era als plevons pensiunai sur Alexi Manetsch e sur Giusep Venzin. In engraziel fetg era alla venerabla claustra pigl agid e la buna collaboraziun. In grond engraziament meretan nossas catechetas e nos catechets per l'instrucziun religiosa da nos affons. Plinavon engraziel a tuts gidonters e tuttas gidontras dil Cussegl pastoral, allas lecturas ed allas gidontras ed als gidonters dallas differentas gruppas da lavur, sco era als ordinaturs da sepultura. Miu engraziament e mia renconuschientscha va era allas calustras, allas organistas ed als organists, als chors baselgia, ad ugadessas ed ugaus da nossas capluttas ed a tuttas e tuts che han contribuì al beinstar da nossa pleiv. In engraziel fetg va era als

commembers ed alla commembra da suprastonza, sco era alla secretaria per lur agid e lur grond engaschi. Jeu sperel che la suprastonza astgi era el futur sebasar sin quella collaboraziun e sil sustegn da biaras e biars. A nus tuts giavischel tut bien, sanadad, cuntentientscha e la benedicziun dil Tutpussent.

*Mustér, fevrer 2026*

*Per la suprastonza dalla pleiv*

*Aldo Tuor, president*



## Rapport dalla gruppа «Salid dil Segner»

Nies onn dil Salid dil Segner ha entschiet igl uost 2025 cun la perdanonza da Sogn Roc a Segnas. Da bellezza aura havein nus cantau alla fin dalla messa ina canzun ed essan separticipai alla processiuin che ha menau giu Cuoz ed ensi. A posta per quella occasiuin ei vegniu cusiu bandieras e squitschau sissu in maletg che muossa in rudi d'affons entuorn il Segner. Engraziel fetg a Gion Tenner per il grond agid ed a Matilda Venzin per cuser las bandieras.

Il tema che ha accumpignau nus uonn secloma, „Babentschiel, nusteidumandein?“ En mintga devoziun havein nus concretisau quella damonda. La bibla che raquent a dil Bab en tschiel e da Jesus ha gidau dad anflar las dretgas rispostas, beincapeivlas era pils affons. Per approfondar quellas han ils affons retschiert in cudischet faldau. En quel han els malegiu, colurau e taccau las caussas ch'els han zambergiau e creau tier il tema dalla devoziun.

Da niev possedan ils affons ina scatola per rimnar cartas d'oraziuns e canzuns. Quellas scatlettas prendan ils affons mintgamai a casa en lur tastga dil Salid dil Segner.

Ils affons envidan all'entschatta dalla devoziun lur candeilas che portan in simbol che corrispunda al tema. La dumengia da palmas astgan els prender la candeila a casa. Enten envidar mintgaton la candeila a casa, leger las oraziuns e cantar las canzuns, duei il Segner restar in bien cumpogn da viadi el mintgadi dils affons e lur famiglias.

Da cor engraziein nus a tut quellas che preparan e meinan las devoziuns ed a nossas gidontras e nos gidonters davos las culissas. Nus engraziein alla suprastonza dalla pleiv, alla secretaria ed al plevon. Bien engraziament era a tuts geniturs per il sustegn e la confidonza.

*Per la gruppа dil Salid dil Segner  
Corina Defuns*



*La rucla dil battagl ch'ei vegnida retenida dil plantschiu. Las aissas dalla vart ein piazzadas per impedir che la rucla crodi vinavon.*



*La rucla dil battagl culla crena da ruina (sen.). La fin dil battagl da ca. 100 kg (dretg)*

## Rapport davart ils beins immobiliars e l'infrastructura

### Altar Ivo Strigel

Igl altar d'Ivo Strigel en baselgia a s. Gions ei in bein cultural da muntada naziunala. Avon entgins onns ei ina gruppa da students dall'Universitad da Berna s'intressada per l'ovra artistica. Ensemen cun lur professoressa han els constatau in bu-liu vid igl altar. Sco giu decidiu a caschun dalla davosa radunonza generala vein nus schau restaurar igl altar. Spert ei semussau ch'igl ei stau neras uras da far quella lavur, pertgei davos las figuras da lenn era il bu-liu sederasaus fermamein. Cun quella caschun vein nus allontanau igl indrez da climatisaziun ch'era vegnius installaus 1976 en caplutta. Quel veva gia da sias uras purtau pli bia donn che nez ed aschia era quel vegnius prius ord funcziun gia suenter paucs meins. Ussa posseda igl altar dapli spazi ed ei arientaus entuorn ed entuorn. Il restauratur ha desinfectau e conservau igl altar pils proxims onns. Il clima en caplutta vegn ussa mesiraus cuntinuadamein. Suenter in onn savein nus contemplar ils resultats e mirar schebein ei drova ulteriuras mesiras per migliorar il clima.

### Ruttadira dil battagl dil zenn grond

La sera dalla Vigelgia Nadal ei il battagl dil zenn grond ruts empermiez e curdaus tras dus plantschius giu dil zenn. Mo cun cletg ha il davos plantschiu sur l'ura-baselgia fermau la rucla da fier. Il motiv dalla ruttadira ei ina fleivlezia dil material e tgunsch era gia in sbagli da producziun d'avon 110 onns. Immediat ei la firma responsabla pil tuchiez (MuriBaer) vegnida sil plaz ed ha priu las mesiras per producir in niev battagl. Ils dus plantschius han stuii vegnir reparai e cun quella caschun vein nus amplificau

la glisch e la forza electrica en clutger. Igl uffeci da bagnegiar communal ha surpriu solidaricamein la mesadad dils cuosts che muntan a rodund 20'000 francs.

### Plaz da lavur per collaboratura pastorala

Demai che Rilana Cadruvi drova in plaz da lavur vein nus endrizzau in tal en casa pervenda suten a S. Gions ella sala da seduta dalla pleiv. Cun quella caschun ha ei dau pintgas adattaziuns (mobiglias, umbrival, cazzolas), sco era dalla glisch els pistregns e zulers.

### Unificaziun siaras baselgia s. Gions

Per far uorden cul sistem da serrar en baselgia s. Gions ein las siaras vegnidas adattadas ed unificadas. In plan da clav lubescha da far diever d'ina suletta clav, gest tenor incarica dalla persuna. Cun adattar las siaras ein era ils dus eschs d'entrada vegni optimai. Las spaungas dall'escha ein vegnidas cumpletadas cun cullaneras aschia che l'escha va ussa tgunsch dad arver e siara era igl unviern cu igl ei freid endretg. Primavera 2026 vegn la vischnaunca aunc ad adattar igl access en baselgia per sutgas da rodas.

### Parcela 910 a Sontget

Ensemen culla Fundaziun Puntreis ha la pleiv artau avon entgins onns la parcella 910 a Sontget (sper anteriur Hotel Rhätia). Entras ina midada dallas zonas da baghegiar ha la vischnaunca midau la parcella en ina zona mischedada, quei che munta per ils dus possessurs ina sperdita da valeta. Ensemen cun la fundaziun Puntreis vein nus opponiu davart quella midada e spitgein uss risposta dalla vischnaunca. La midada ei



*Il s tacs alvs ein bulius che han taccau igl entir altar. Sut vesan ins igl altar restaurau.*



sucedida senza informar ina dallas partidas pertuccadas.

### **Ulteriuras lavurs**

A Sontga Gada ei la porta vegnida adattada aschia ch'ella duess buca pli sesarver entras il vent. Plinavon vein nus stuiu schar pinar ina finiastra stada donegiada entras ina fiersa dad in crap.

A Sogn Placi ei montau ina nova cassa per la baselgia e las candeilas. Persunas vevan dersch il candelier ed aschia saviu engular ils daners ella cassa.

Las lavurs preparatorias per la revisiun dall'orgla ein instradadas. La revisiun ha liug gest suenter la fiasta da s. Gion e cuoza entochen miez uost.

Ina sondascha davos il chor dalla baselgia S. Gions ha mussau che la drenascha funcziunescha buca endretg. Per evitar donns da humiditad vegnin nus a stuer sligiar quei problem proximamein.

Sin giavisch dalla radunonza generala ei vegniu montau en baselgia s. Gions ina scaffetta per deponer laud, reclamaziuns e giavischs.

*Gion Tenner*  
*responsabel infrastructura*

## Quen dalla pervenda s. Gions per 2025

	<i>Quen</i>	<i>Quen</i>
<b>EXPENSAS</b>	<b>2025</b>	<b>2024</b>
<b>Salaris pleiv Mustér</b>	<b>334'803.20</b>	<b>325'590.60</b>
Salaris augsegners	95'486.40	92'550.00
Salaris persunal gidonter	82'987.50	79'126.65
Salaris organists e dirigents	30'104.90	35'039.85
Salaris substituziuns	7'750.00	5'560.00
Indemisaziun suprastonza	13'770.05	12'980.00
Contribuziun per ductrina	59'008.00	59'919.70
Fotocopias scola Mustér	265.50	564.45
Assicuranza sociala (AVS)	20'440.45	18'500.65
Segiradas d'accident e malsogna	3'823.45	2'635.20
Cassa da pensiun	13'246.95	11'140.60
Taglia alla fontauna	-	-
Indemisaziun da viadis	4'200.00	4'473.00
Scolaziun pastoral	3'720.00	3'100.50
<b>Contribuziuns</b>	<b>17'191.40</b>	<b>24'226.25</b>
Giuventetgna Cadi	13'367.40	13'367.40
Contribuziun al cussegl pastoral	1'000.00	4'258.85
Contribuziuns instituziuns culturalas	324.00	2'000.00
Diversas contribuziuns	<b>2'500.00</b>	<b>4'600.00</b>
<b>Diversa</b>	<b>22'123.05</b>	<b>15'526.50</b>
Occurrenz	8'887.00	6'645.15
Regals	2'096.45	1'114.40
Donaziuns	-	121.85
Material ed apparaturas da biro	2'259.95	403.50
Indrez da fotocopiar	1'705.50	1'527.70
Rapport annual e FUS	3'312.90	2'010.65
Archiv	-	-
Telefon, internet e taxas	2'226.30	2'115.75
Francaturas, portos	785.15	1'370.95
Spesas da banca	654.40	167.50
Diversas expensas	195.40	49.05

	<i>Quen</i>	<i>Quen</i>
<b>EXPENSAS</b>	<b>2025</b>	<b>2024</b>
<b>Immobilias / Schischom</b>	<b>74'377.55</b>	<b>35'558.95</b>
Manteniment dallas immobilias	14'334.80	4'489.50
Taxas annualas	3'271.25	2'343.30
Energia, scaldament	2'954.10	7'267.50
Segiradas	1'817.40	658.65
Tscheins per il local Sut Gliendas	3'000.00	3'000.00
Reservas ed amortisaziuns	49'000.00	17'500.00
Diversas expensas	-	300.00
<b>Baselgia s. Gions</b>	<b>39'802.00</b>	<b>26'834.60</b>
Manteniment	9'857.95	6'387.50
Taxas annualas	2'860.75	1'527.80
Energia, scaldament	11'715.95	8'304.75
Segirada da baghetgs	5'519.00	3'368.25
Uorden per il survetsch divin	4'707.35	1'646.30
Embelliment	5'141.00	5'600.00
Diversas expensas	-	-
<b>Baselgia Segnas</b>	<b>10'262.95</b>	<b>6'394.60</b>
Manteniment	4'888.05	2'230.15
Taxas annualas	1'069.70	529.90
Energia, scaldament	2'607.80	2'393.00
Segirada da baghetgs	1'697.40	1'080.05
Uorden per il survetsch divin	-	161.50
<b>Baselgia Cavardiras</b>	<b>6'150.25</b>	<b>2'597.35</b>
Manteniment (casa pervenda)	4'790.15	1'205.25
Taxas annualas (casa pervenda)	688.00	842.50
Energia, scaldament		
Segirada da baghetgs (casa pervenda)	672.10	121.60
Uorden per il survetsch divin		428.00
<b>Total expensas</b>	<b>504'710.40</b>	<b>436'728.85</b>

	<i>Quen</i>	<i>Quen</i>
<b>ENTRADAS</b>	<b>2025</b>	<b>2024</b>
<b>Taglias / contribuziuns</b>	<b>502'905.00</b>	<b>432'911.95</b>
Taglia pleiv	324'011.10	305'880.00
Baselgia catolica dil cantun Grischn	91'357.00	74'048.00
Cantun Grischn taglia alla fontauna	42'973.95	34'671.35
Agid pastoral pleivs Medel e Tujetsch	7'059.50	11'756.00
Collaboraziun pastorala Sursassiala	30'103.45	-
Secretariat pleiv Tujetsch	6'400.00	6'200.00
Diversas entradas	1'000.00	356.60
<b>Tscheins</b>	<b>2'726.73</b>	<b>3'815.79</b>
Tscheins activs	1'131.73	1'845.79
Tscheins casa pervenda Cavardiras	1'380.00	1'380.00
Tscheins schischom	215.00	590.00
<b>Total entradas</b>	<b>505'631.73</b>	<b>436'727.74</b>
<b>Total entradas</b>	<b>505'631.73</b>	<b>436'727.74</b>
<b>Total expensas</b>	<b>504'710.40</b>	<b>435'620.75</b>
<b>Gudogn</b>	<b>921.33</b>	<b>1'106.99</b>

## Bilanza dils 31 da december 2025

<b>Activas</b>	<b>31-12-25</b>	<b>31-12-24</b>
<b>Total mieds finansials</b>	<b>538'871.27</b>	<b>475'227.69</b>
Banca Raiffeisen Cadi - conto current	26'061.96	31'847.30
Banca Raiffeisen Cadi - conto da commembers	487'779.86	427'427.59
Banca Raiffeisen Cadi - assegn	200.00	200.00
UBS - conto current	13'597.25	12'315.25
GKB - conto da spargn	3'429.90	3'429.15
Sur Mathew - emprest	7'802.30	0.00
Taglia anticipada	0.00	8.40
<b>Total mieds administrativs</b>	<b>200'005.00</b>	<b>200'005.00</b>
Casa pervenda s. Gions	200'000.00	200'000.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
<b>Total activas</b>	<b>738'876.27</b>	<b>675'232.69</b>

<b>Passivas</b>		
<b>Total capital jester</b>	<b>22'224.00</b>	<b>6'343.60</b>
Passivas transitorias	22'224.00	5'501.75
<b>Total capital agen</b>	<b>716'652.27</b>	<b>669'730.94</b>
Capital agen	524'730.94	523'623.95
Fondo manteniment immobilias dalla pleiv	191'000.00	142'000.00
Reserva per scolaziun	0.00	3'000.00
Gudogn	921.33	1'106.99
<b>Total passivas</b>	<b>738'876.27</b>	<b>676'074.54</b>

Mustér, ils 17 da schaner 2026  
 responsabel finanzas  
 Romeo Schmed

## Facultad dils fondos da baselgias e capluttas

	31-12-25	31-12-24
<b>Baselgia parochiala s. Gion Battesta</b>		
Finanzas: Romeo Schmed		
Fondo baselgia	14'374.51	74'013.39
Fondo messas fundadas	152'609.97	162'091.32
<b>Baselgia s. Bistgaun e s. Roc, Segnas</b>		
Finanzas: Romeo Schmed		
Fondo baselgia	228'551.72	224'910.82
Fondo messas fundadas	53'126.20	53'758.85
<b>Baselgia s. Antoni, Cavardiras</b>		
Ugadessa: Alexa Schuoler		
Fondo baselgia	235'948.84	234'573.77
Fondo messas fundadas	31'496.94	31'567.70
<b>Baselgia s. Placi</b>		
Finanzas: Romeo Schmed		
Fondo baselgia	33'892.30	34'519.30
<b>Baselgia s. Gada</b>		
Finanzas: Romeo Schmed		
Fondo baselgia	180'821.92	179'114.09
<b>Baselgia da Nossadunna, Acletta</b>		
Ugau: Corsin Maissen		
Fondo baselgia	45'478.88	43'185.52
<b>Caplutta Sontgaclau e s. Silvester, Mumpé Tujetsch</b>		
Ugau: Augustin Maissen		
Fondo caplutta	46'900.80	44'260.31
<b>Caplutta s. Valentin e s. Brida, Mumpé Medel</b>		
Ugau: Baseli Jacomet		
Fondo caplutta	20'405.28	20'205.48
<b>Caplutta s. Antieni, Pardomat</b>		
Ugau: Marcel Steger		
Fondo caplutta	16'283.92	16'361.99


	31-12-25	31-12-24
<b>Caplutta s. Leci e s. Bonaventura, Disla</b>		
Ugau: Max Deplazes		
Fondo caplutta	2'700.81	1'812.26
<b>Caplutta s. Giachen e s. Onna, Cuoz</b>		
Ugau: Adrian Deflorin		
Fondo caplutta	31'715.03	30'613.27

## Survesta cuosts collaboraziun pastorala Sursassiala

(uost - december 2025)

Text	Summa
Pagas (augsegner, assistenta pastorala, augsegners gidonters)	50'990.00
Cuosts gruppas liturgicas	1'414.00
Cuosts socials	7'320.00
Tscheins casa pervenda	8'250.00
Cuosts totals (uost - december 2025)	67'974.00

Repartiziun:		Total	Mustér	Tujetsch	Medel
summa da tschep	10%	6'797.40	2'265.80	2'265.80	2'265.80
			1/3	1/3	1/3
commembers	90%	61'176.60	35'604.80	20'035.35	5'536.50
		en %	58.20	32.75	9.05
	Total	67'974.00	37'870.60	22'301.15	7'802.30
commembers		2'806	1'633	919	254
		en %	58.20	32.75	9.05



L'orgla en baselgia s. Gions basegna urgentamein ina revisiun generala. Quella cuosta 55'000 frs., pia mintga flauta 45.00 frs. per schubergiar.

Vus saveis sustener la revisiun cun surprender ils cuosts per schubergiar ina ni pliras flautas.

Il cedel da pagament cullas indicaziuns da banca anfleis Vus alla fin dil cudischet. Dieus paghi!

## Rapport dils revisurs

Ella seduta dils 4 da fevrer 2026 havein nus, tenor incarica digl artechel 21 dalla constituziun dalla Pleiv s. Gions, repassau ils quens ed il menaschi finanziel dalla pervenda, dallas baselgias e dallas capluttas dalla Pleiv s. Gions per igl onn 2025.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris,
2. Ils saldis da cassa e contos da banca corrispundan culs attests mussai ora,
3. Las vaglias cudischadas ein avon maun,
4. Las expensas ein fatgas tenor conclus dalla radunonza generala sin fundament dils preventivs.

Las ulteriuras expensas ein vegnidas decididas dalla suprastonza tenor las competenzas dalla constituziun.

Sin basa da nossas controllas fagein nus alla radunonza generala las suandontas propostas:

- a. d'approbar la bilanza ed il quen administrativ per ils 31 da december 2025 dalla pervenda, dalla baselgia parochiala s. Gions, dallas baselgias e capluttas tenor las cefras presentadas,
- b. da dar scarica alla suprastonza ed als funcziunaris,
- c. d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

*Mustér, ils 4 da fevrer 2026*

*Ils revisurs:  
Claudius Berther  
Pirmin Monn*

[www.pleivdisentis.ch](http://www.pleivdisentis.ch)

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nossa pleiv.

## Preventiv dalla pervenda s. Gions per 2026

	Preventiv	Quen
EXPENSAS	2026	2025
<b>Salaris pleiv Mustér</b>	<b>338'700.00</b>	<b>334'803.20</b>
Salaris augsegners	98'000.00	95'486.40
Salaris persunal gidonter	100'000.00	82'987.50
Salaris organists e dirigents	30'000.00	30'104.90
Salaris substituziuns	8'000.00	7'750.00
Indemisaziun suprastonza	13'000.00	13'770.05
Contribuziun per ductrina	41'000.00	59'008.00
Fotocopias scola Mustér	500.00	265.50
Assicuranza sociala (AVS)	22'000.00	20'440.45
Segiradas d'accident e malsogna	4'000.00	3'823.45
Cassa da pensiun	14'000.00	13'246.95
Taglia alla fontauna	-	-
Indemisaziun da viadis	4'200.00	4'200.00
Scolaziun pastorala	4'000.00	3'720.00
<b>Contribuziuns</b>	<b>25'500.00</b>	<b>17'191.40</b>
Giuventetgna Cadi	13'500.00	13'367.40
Contribuziun al cussegl pastoral	4'000.00	1'000.00
Contribuziuns instituziuns culturalas	3'000.00	324.00
Diversas contribuziuns	5'000.00	2'500.00
<b>Diversa</b>	<b>25'000.00</b>	<b>22'123.05</b>
Occurrenz	11'000.00	8'887.00
Regals	2'000.00	2'096.45
Donaziuns	1'000.00	-
Material ed apparaturas da biro	1'000.00	2'259.95
Indrez da fotocopiar	2'000.00	1'705.50
Rapport annual e FUS	3'000.00	3'312.90
Archiv	500.00	-

	Preventiv	Quen
EXPENSAS	2026	2025
Telefon, internet e taxas	2'500.00	2'226.30
Francaturas, portos	1'000.00	785.15
Spesas da banca	500.00	654.40
Diversas expensas	500.00	195.40
<b>Immobilias / schischom</b>	<b>60'800.00</b>	<b>74'377.55</b>
Manteniment dallas immobilias	10'000.00	14'334.80
Taxas annualas	2'500.00	3'271.25
Energia, scaldament	3'000.00	2'954.10
Segiradas	2'000.00	1'817.40
Tscheins per il local Sut Gliendas	3'000.00	3'000.00
Reservas ed amortisaziuns	40'000.00	49'000.00
Diversas expensas	300.00	-
<b>Baselgia s. Gions</b>	<b>38'700.00</b>	<b>39'802.00</b>
Manteniment	10'000.00	9'857.95
Taxas annualas	2'200.00	2'860.75
Energia, scaldament	12'000.00	11'715.95
Segirada da baghetgs	5'000.00	5'519.00
Uorden per il survetsch divin	4'000.00	4'707.35
Embelliment	5'000.00	5'141.00
Diversas expensas	500.00	-
<b>Baselgia Segnas</b>	<b>10'500.00</b>	<b>10'262.95</b>
Manteniment	5'000.00	4'888.05
Taxas annualas	1'000.00	1'069.70
Energia, scaldament	2'500.00	2'607.80
Segirada da baghetgs	2'000.00	1'697.40
Uorden per il survetsch divin		
Diversas expensas		

	Preventiv	Quen
EXPENSAS	2026	2025
<b>Baselgia Cavardiras</b>	<b>6'500.00</b>	<b>6'150.10</b>
Manteniment	5'000.00	4'790.00
Taxas annualas	1'000.00	688.00
Energia, scaldament		
Segirada da baghetgs	500.00	672.10
Uorden per il survetsch divin		
Diversas expensas		
<b>TOTAL EXPENSAS</b>	<b>505'700.00</b>	<b>504'710.25</b>
ENTRADAS		
<b>Taglias / contribuziuns</b>	<b>506'000.00</b>	<b>502'905.00</b>
Taglia pleiv	315'000.00	324'011.10
Baselgia catolica dil cantun Grischun	80'000.00	91'357.00
Cantun Grischun taglia alla fontauna	35'000.00	42'973.95
Agid pastoral pleivs Medel e Tujetsch	-	7'059.50
Collaboraziun pastorala Sursassiala	70'000.00	30'103.45
Secretariat pleiv Tujetsch	6'000.00	6'400.00
Diversas entradas	-	1'000.00
<b>Tscheins</b>	<b>2'980.00</b>	<b>2'726.73</b>
Tscheins activs	1'000.00	1'131.73
Tscheins casa pervenda Cavardiras	1'380.00	1'380.00
Tscheins schischom	600.00	215.00
<b>Total entradas</b>	<b>508'980.00</b>	<b>505'631.73</b>
<b>Total expensas</b>	<b>505'700.00</b>	<b>504'710.25</b>
<b>Gudogn</b>	<b>3'280.00</b>	<b>921.48</b>

## Fixaziun dil pei da taglia per 2027

La suprastanza dalla Pleiv s. Gions ed ils revisurs da quen proponan alla radunanza generala dalla Pleiv s. Gions/Mustér da fixar il pei da taglia sco suonda:

Per igl onn 2027 duei il pei da taglia restar sco per 2026 sin 12% digl import dalla taglia sempla dil cantun.



Il Cussegl pastoral enquera adina puspei personas ch'ei'n promtas da segidar e s'engaschar per nossa pleiv. Interessentas ed interessents san s'annunziar tier il secretariat da nossa pleiv. Nus selegrein da mintga maun che segida cun nus.

## Officials dalla Pleiv s. Gions

<b>1.</b>	<b>Suprastonza</b>	
	Tuor Aldo, president	representanza, personal
	sur Kurian Mathew	plevon (ex off.)
	Maissen Ervin	vicepresident
	Schmed Romeo	finanzas
	Schuoler Alexa	fatgs socials
	Tenner Gion	infrastructura
<b>2.</b>	<b>Revisurs da quen</b>	
	Berther Claudius	
	Monn Pirmin	
<b>3.</b>	<b>Ugaus-baselgia e caplutta</b>	
	Sogn Gion Battesta, baselgia parochiala Vitg	Tenner Gion
	Sogn Bistgaun e sogn Roc, Segnas	
	Sogn Placi	
	Sontga Gada	
	Sogn Antoni, Cavardiras	Schuoler Alexa
	Sontga Maria Immaculata, Acletta	Maissen Corsin
	Sogn Clau e sogn Silvester, Mumpé Tujetsch	Maissen Augustin
	Sogn Valentin e sontga Brida, Mumpé Medel	Jacomet Baseli
	Sogn Antieni e sogn Gottard, Pardomat	Steger Marcel
	Sogn Gliezi e sogn Bonaventura, Disla	Deplazes Max
	Sogn Giachen e sontga Onna, Cuoz	Deflorin Adrian
	Sogn Sigisbert, Madernal	Claustra Mustér
	Sontga Catrina	famiglia Condrau (privat)
<b>4.</b>	<b>Commembers dil cussegl pastoral</b>	
	sur Kurian Mathew (ex off.)	
	Bisquolm Nanetta	
	Bisquolm Valentin	
	Buschor Josef	
	Cajacob Laurenzia	
	Flury Riccarda	
	Keller-Tschuor Andrea	
	Schmed Letizia	
	Schuoler Alexa	
<b>5.</b>	<b>Secretariat</b>	
	Lombris Jris	

Sustegn finanziel per la revisiun dall' orgla a S. Gions



**Empfangsschein**

Konto / Zahlbar an  
CH31 8080 8008 5716 1765 5  
Baselgia s. Gions Mustér  
7180 Disentis/Mustér  
Zahlbar durch (Name/Adresse)

**Zahiteil**

Konto / Zahlbar an  
CH31 8080 8008 5716 1765 5  
Baselgia s. Gions Mustér  
7180 Disentis/Mustér  
Zahlbar durch (Name/Adresse)



Währung Betrag  
CHF

Währung Betrag  
CHF

Annahmestelle

\_\_\_\_\_

**P.P.**

7180 Disentis/Mustér  
Post CH AG